

## AVISU PÙBBlicu

PO PARTECIPAI A IS CURSUS DE FORMATZIONI LINGUISTICA APARICIAUS IN S'ÀMBITU DE SU PROGETU DE SERVÌTZIUS PO SA LÌNGUA E CULTURA SARDA NOMENAU "IMPARU, CONNÓSCIU, FUEDDU...SU SARDU"

### PREMISSA

Cun su progetu "Imparu, Connósciu, Fueddu...Su Sardu", finantziau de sa Lei 482/99, artìculus. 9 e 15 "Normas in matèria de amparu de is minorias linguísticas stòricas"; L.R. 22/2018 "Disciplina de sa politica linguística regionali, art. 10, c. 5; L.R. 6/2012 "Integratzioni regionali de is contribudus stadalis spartzius a is entis localis, art. 2, c. 13", su Comunu de Casteddu bolit sighiri cun is interventus de promotzioni e avaloramentu de sa lìngua e cultura sarda cumentzaus is annualidadis passadas po mesu de:

- s'istitutzioni de un'ufitziu linguisticu chi tenit sa tenta de fai consulèntzia e interpretai sa lìngua sarda;
- s'organizatzioni de unu cursu basi e de unu cursu avanzau de lìngua sarda;
- sa realizatzioni de progetus culturalis po sa popolatzioni.

Su progetu "Imparu, Connósciu, Fueddu...Su Sardu", tenit sa tenta de:

- promovì s'imperu de sa lìngua sarda chistionendi e scriendi in s'amministratzioni e in is arrelatus cun is tzitadinus;
- sensibilizai sa citadinàntzia a su tema de s'identidadi e de s'importàntzia de amparai sa lìngua e sa cultura sarda;
- insutzuligai e sensibilizai is generatzionis noas a torrai a imperai sa lìngua sarda;
- cuberai e avalorai su patrimoniù stòricu, linguisticu e culturali de sa Tzitadi de Casteddu.

### ART. 1 - OGETU DE S'AVISU

Custu Avisu apubat tareas, destinatàrius e modalidadis de intrada a is cursus de formatzioni linguística apariciaus in s'àmbitu de su progetu "Imparu, Connósciu, Fueddu...Su Sardu".

Totu sa procedura de arregorta de is adesionis, scioberu de is candidaduras e organizatzioni de is cursus est gestia de sa sotziedadi Orientare srl cun sedi in Bia San Tommaso D'Aquino, 18 - Casteddu chi s'est agiudicada su servìtziu de gestioni de is atividadis po s'annualidadi 2021/2022.

### ART. 2 - ORGANIZATZIONI E DESTINATÀRIUS

Est previdiu de fai n. 1 cursu basi e n. 1 cursu avanzau de lìngua sarda de 30 oras donniunu, po unu totali de 60 oras de formatzioni, a sa tenta de achiriri cumpetèntzias de lìngua sarda campidanesa chistionada e scritta.

Su programma interessati s argumentus innoi assegius:

- Cursu basi

Stòria de su sardu, arrègulas ortogràficas, fonètica sintàtica e grammàtica. Laboratòrius de lìngua ant a arricai sa letzioni teòrica, is studiantis ant a fai leturas in truma, ant a chistionai e bortai de su sardu a s'italianu e de s'italianu a su sardu.

- Cursu avanzau

Arresùmini de is notzionis de su cursu basi. Su Cursu at a interessai pruschetotu sa struttura de sa lìngua, sa sintassi sua e is fràsius idiomàticas. Bortaduras sempri prus stentosas, de s'italianu a su sardu, ant a èssiri un'allenamentu linguisticu necessàriu po arrennesci a imperai sa lìngua sarda chentza de is infuèntzias de s'italianu.

Is cursus de formatzioni funt a indonu e cuncordaus po unu mässimu de 50 scientis, donendi precedèntzia a su personali dipendenti de su Comunu de Casteddu e a is tzitadinus residentis in custu comunu.

Is cursus ddus fait unu imparadori espertu de lingua mama chi tenit unu dilpoma de làurea (DL) e un'esperientzia professionali documentada in lingua sarda.

A s'acabu de is duus percussus de formatzioni, is cursistas depint fai un'esàmini e ant a arriciri un'atestau de frequèntzia, cun scritu su livellu e su nùmeru de oras sighias. Po fai s'esàmini finali e po pigai s'atestau si depit frequentai assumancu su 70% de is letzionis previdias de su cursu.

Po intrai in su cursu avantzau tocat chi is cursistas apant frequentau assumancu su 70% de is letzionis previdias de su cursu basi e depit passai s'esàmini finali de su cursu basi cun èsitu positivu.

Giai ca seus ancora is stadu de emergèntzia po mori de su Covid 19, is cursus s'ant a organizai in-lìnia cun sa piataforma Cisco Webex.

Is cursus s'ant a fai su martis e su giòbia a pusti-pràngiu.

### ART. 3 - MODALIDADI DE CANDIDADURA E DATA DE SCADÈNTZIA

Is demandas de iscrivzioni si depint indiritzai a su Comunu de Casteddu, imperendi sceti sa modulistica alliongiada, a s'indiritzu mail [sportellolinguistico.ca@gmail.com](mailto:sportellolinguistico.ca@gmail.com) e ponendi in s'ogetu "Iscrivzioni cursu de lingua sarda".

Sa domanda de iscrivzioni depit lompi aintru e no prus a tradu de su 17/04/2022 e si depit presentai sceti cumpilendi s'alliongiu 1 - Domanda de ammissioni a is cursus de Lingua Sarda.

Sa domanda, in prus, depit èssiri acumpangiada de sa Carta de identidadi de su firmadori, in cursu de balidadadi;

Is demandas chi pertocant sugetus minoreddus ddas depint presentai/firmai is babbus e is mammas o unu tutori legali.

Is demandas s'ant a arriciri sighendi s'òrdini chi lompi e fintzas a unu mässimu de 50 postus disponibilis.

Is demandas presentadas prus a tradu de sa scadèntzia arremonada asuba o cun modalidadis diferentis de cussas previdias de custu Avisu, no s'ant a pigai in cunsideru.

### ART. 4 - INFORMATIVA APITZUS DE SU TRATAMENTU DE IS DATUS PERSONALIS

Su Titolari de su tratamentu de is datus, cunforma de s'articulu 4 de su Regulamentu UE 2016/679 de su 27 abrilu 2016, est s'Amministratzioni Comunali de Casteddu, innui si depit presentai sa domanda, e aprètziat is requisitus sugetivus de ammissioni.

Su Titolari de is datus personalis semper e candu trataus est su Sindigu, chi tenit sedi istituzionali in Bia Roma n.

145, mentras su Responsàbili de su Trattamento de is datus personalis est su Dirigenti de su Servitziu Cultura e Spetàculu, cun sedi in Bia Goffredo Mameli n. 164 in Casteddu.

Su firmadori podit domandai in dònna momentu a su Comunu de Casteddu, innui at presentau sa domanda, de intrai in is datus personalis e de ddus curregi o cancellai o ndi smenguai su tratamentu cunforma de su Regulamentu UE de su 27 Abril 2016, n. 679 e modificas e integratzionis afatantis, e puru fai una chèscia a su po s'Amparu de is Datus Personalis cunforma de su pròpiu Regulamentu. S'arrefudu o contrariedadia su tratamentu de is datus presentis in sa domanda no permitint de intrai in su cursu de formatzioni.

### ART. 5 - PUBBLICAZIONI, INFORMATZIONIS E CUNTATUS

Custu Avisu est publicau in su giassu web de su Comunu de Casteddu [www.comune.cagliari.it](http://www.comune.cagliari.it).

Informatzionis in prus si podint domandai a su:

Ufìtziu de Lingua Sarda:

c/o Mediateca de su Mediterràneu

Lunis: 09:00 - 13:00



PROGETTO FINANZIATO DAL 482/99, ARTT. 9 E 15 "NORME IN MATERIA DI TUTELA DELLE MINORANZE LINGUISTICHE STORICHE";  
L.R. 22/2018 "DISCIPLINA DELLA POLITICA LINGUISTICA REGIONALE, ART. 10, C. 5 ; L.R. 6/2012 "INTEGRAZIONE REGIONALE DEI  
CONTRIBUTI STATALI EROGATI AGLI ENTI LOCALI, ART. 2, C. 13"

Martis e Mèrcuris: 09:00 - 13:30 / 14:00 - 19:00

Cenàbara: 14:00 - 18:30

**Cuntatus:**

e-mail: [sportello@linguistico.ca@gmail.com](mailto:sportello@linguistico.ca@gmail.com)

tel: 070 6778184

**Pirri - Biblioteca Comunale di Pirri**

Lunis: 09:00 - 13:00

Mèrcuris: 09:00 - 13:30 / 14:00 - 19:00

Giòbia: 09:00 - 13:30

**Cuntatus:**

e-mail: [sportello@linguistico.ca@gmail.com](mailto:sportello@linguistico.ca@gmail.com)

tel: 070 6773819

**ALLIONGIAUS**

Alliongiau 1 - Domanda de ammissioni a is cursus de Lingua Sarda

### ALLIONGIU 1 - DOMANDA DE AMMISSIONI A IS CURSUS DE LINGUA SARDA

Su/Sa Sutascritu/a \_\_\_\_\_  
Nàsciu/a in \_\_\_\_\_ su \_\_\_\_/\_\_\_\_/\_\_\_\_\_  
Còdixi Fiscali \_\_\_\_\_ Residenti in \_\_\_\_\_  
in bia/pratza \_\_\_\_\_ n° \_\_\_\_\_  
e-mail: \_\_\_\_\_ tel. \_\_\_\_\_

#### CHI EST MINOREDDU

In calidadi de babbu, mamma /tutori de su minoreddu \_\_\_\_\_  
Nàsciu/a \_\_\_\_\_ su \_\_\_\_/\_\_\_\_/\_\_\_\_\_  
Còdixi Fiscali \_\_\_\_\_

#### BIAS

Is cunditionis previdias in s'Avisu Pùbblicu po partecipai a is cursus de formatzioni linguistica organizaus in s'àmbitu de su progetu de servitzius po sa lingua e cultura sarda nomenau "Imparu, Connósciu, Fueddu...Su Sardu" finantziau de sa L. 482/99, artìculus. 9 e 15 " Normas in matèria de amparu de is minorias linguísticas stòricas "; L.R. 22/2018 "Disciplina de sa polìtica linguistica regionali, art. 10, c. 5; L.R. 6/2012 "Integratzioni regionali de is contribudus stadalis spartzius a is entis localis, art. 2, c. 13

#### DOMANDAT

de èssiri ammitiu/a a abbitai is Cursus de Lingua Sarda de livellu basi e avantzau.

Data \_\_\_\_\_ Firma ligibili \_\_\_\_\_

#### AUTORIZAT

A su tratamentu de is datus personalis, cumentu in su D.Lgs 196/2003 e de su Regulamentu UE de su 27 de Abrili 2016, n. 679 e modìficas chi funt sighias (Còdixi in matèria de amparu de is datus personalis), fatu cun is modalidadis àcias a garantiri sa seguresa e discretzioni de is datus sceti a is tentas istituzionalis e in is modus de lei. Po atrus piessignus si castit s'art. 4 de s'Avisu.

Data \_\_\_\_\_ Firma ligibili \_\_\_\_\_